

## ADMINISTRACIÓN LOCAL

### MUNICIPAL

### PONTEAREAS

#### Ordenanzas e Regulamentos

*APROBACIÓN DEFINITIVA ORDENANZA REGULADORA DO PREZO PÚBLICO POLA PRESTACIÓN DO SERVIZO DA ESCOLA MUNICIPAL DE MÚSICA "VILA DO CORPUS" DO CONCELLO DE PONTEAREAS*

Rematado o prazo de información pública do anuncio publicado no Boletín Oficial da Provincia nº 109, de 8 de xuño de 2017, referente ao acordo adoptado polo Pleno da Corporación, en sesión de data 18 de abril de 2017, de Aprobación inicial da Ordenanza Reguladora do Prezo Público pola Prestación do Servizo de Escola Municipal de Música "Vila do Corpus" do Concello de Ponteareas, sen que se houberen presentado reclamacións ou alegacións ao respecto, en cumprimento do establecido nos artigos 49 e 70.2 da lei 7/1985, de 2 de abril, Reguladora do Réxime Local, queda aprobada definitivamente tal e como figura redactada de seguido:

**ORDENANZA REGULADORA DO PREZO PÚBLICO POLA PRESTACIÓN DO SERVIZO DA ESCOLA MUNICIPAL DE MÚSICA "VILA DO CORPUS" DO CONCELLO DE PONTEAREAS**

#### DISPOSICIÓN XERAL

De conformidade co disposto no artigo 41 do Real Decreto Lexislativo 2/2004, do 5 de marzo, polo que se aproba o texto refundido da Lei reguladora das Facendas Locais, este Concello establece o Prezo Público pola prestación do servizo da Escola Municipal de Música, que se rexerá pola presente Ordenanza.

#### OBXECTO

**Artigo 1º.** Constitúe o obxecto do Prezo Público a prestación do servizo da Escola Municipal de Música do Concello de Ponteareas.

#### FEITO IMPOÑIBLE E SUXEITOS PASIVOS

**Artigo 2º.** A obriga de pagamento do prezo público establecido nace dende o momento no que se formalice a inscrición. Están obrigados ao pago do Prezo Público regulado nesta Ordenanza os usuarios ou beneficiarios do servizo. Cando por causas non imputables a estes o servizo non se preste, procederá a devolución do importe total ou proporcional correspondente ou ben a súa regularización no período inmediato posterior.



**TARIFAS**

**Artigo 3º.** O Prezo Público pola utilización deste servizo, excepto o correspondente aos gastos de matrícula por ser único, exprésase por períodos mensuais e esixirase conforme á seguinte tarifa:

CURSO	MATRÍCULA	COTA MES
PREPARATORIO 1	40,00 €	12,63 €
PREPARATORIO 2	50,00 €	18,21 €
CURSO MÚSICA (INSTRUMENTO 30 MIN/SEM)	60,00 €	26,01 €
CURSO MÚSICA (INSTRUMENTO 60 MIN/SEM)	60,00 €	52,02 €
SÓ INSTRUMENTO	60,00 €	30,35 €
SEGUNDA ESPECIALIDADE (50% MATR.)	30,00 €	30,35 €

**NORMAS XERAIS E DEVINDICO**

**Artigo 4º.-** Os interesados deberán matricularse mediante a presentación de instancia en modelo normalizado que lles será facilitado para o efecto e que conterà, entre outros, os datos persoais, a conta bancaria do usuario ou beneficiario do servizo que suporá a aceptación da domiciliación como forma de pago da matrícula e os recibos mensuais en función do sistema de xestión ordenado pola Tesourería municipal, así como a natureza, contido e extensión do servizo. Xunto á mesma entregaranse as Normas Xerais para a formalización da matrícula no Curso Escolar correspondente contidas nesta Ordenanza.

A falta de firma da matrícula, así como a omisión dos datos deberán ser emendados no prazo que se estableza para ese efecto pola dirección do centro, dando lugar ao arquivo da solicitude sen máis trámite se tales deficiencias non se rectificasen no prazo determinado.

Mensualmente elaborárase pola administración do centro unha lista cobratoria, que será aprobada polo Ilmo. Sr. Alcalde ou Concelleiro Delegado.

O pagamento da cota será no mes seguinte á prestación do servizo en canto aos recibos domiciliados polo titular, mentres que os recibos non domiciliados deberán ser ingresados na Tesourería municipal a través de carta de pago expedida polo departamento de Rendas municipal durante o primeiros dez días do mes corrente.

A falta de pagamento de dúas mensualidades consecutivas ou tres alternas orixinarán a baixa automática no centro, previo informe da traballadora social que indique que non é por motivos económicos e seralles comunicada mediante Resolución do Ilmo. Sr. Alcalde ou Concelleiro Delegado, con independencia de que se prosiga a súa cobro mediante o oportuno procedemento.



Luns, 4 de setembro de 2017

Núm. 169

As débedas por prezos públicos esixiranse pola administración municipal en período voluntario ou mediante procedemento de prema a través dos servizos de recadación da Deputación (ORAL) se transcorrido o prazo de pago en período voluntario estas non se satisfixeron e en base ao convenio de delegación vixente en materia de xestión de recursos locais.

O usuario ou beneficiario que desexe renunciar á matrícula ou a alguna materia estará obrigado a notificalo no modelo que para ese efecto lle será facilitado antes do inicio do curso ou durante os dez primeiros días do mes natural. Fóra deste prazo, as solicitudes de renuncia serán tidas en conta para o período inmediato posterior, procedéndose do seguinte xeito:

No suposto de que a solicitude de baixa se produza despois dos prazos de matrícula do mes de xuño e antes do 31 de xullo do ano en curso, o alumnado terá dereito á devolución do 100% do prezo público que teña aboado, anulándose os importes que teña pendentes de cobro.

No suposto de que a solicitude de baixa se produza despois do 31 de xullo do ano en curso e antes do comezo oficial das clases, o alumnado terá dereito á devolución do 50% do prezo público xa aboado, anulándose os importes que teña pendentes de cobro.

Se a solicitude de baixa, por calquera causa imputable ao usuario, se produce unha vez comezado o curso escolar, sexa efectiva ou non a asistencia ata a data da solicitude, o alumnado non terá dereito á devolución da matrícula, debendo aboar os importes que teña pendentes de pago para a concesión definitiva da baixa.

Serán considerados de igual maneira a devolución da matrícula das probas de acceso.

En concepto diferente á matrícula, en caso de solicitar baixa ou non, para a cota mensual do servizo, e no caso de que por causas imputables ao usuario non se faga uso do servizo durante parte do período liquidado de referencia, entenderase realizado o obxecto da prestación polo período completo devindicado. No caso de que non se inicie a recepción do servizo que o obrigou ao pagamento, entenderase non realizado o obxecto da prestación, tras o informe do servizo.

Os usuarios ou beneficiarios do servizo que tivesen débedas pendentes por este concepto, non poderán matricularse nin formular reserva de praza nun novo curso.

O período de pago da matrícula da escola de música será durante o período de matriculación que anualmente publique a administración do centro e o ingreso realizarase mediante documento liquidatorio expedido pola Tesourería municipal. A solicitude do interesado, poderase fraccionar o pago nun máximo de 4 prazos, sendo que en todo caso deberá estar domiciliada a cantidade aprazada e ingresada a totalidade da matrícula dez días antes do inicio do curso escolar sendo a administración do centro responsable da comprobación de tal extremo.

## **BENEFICIOS FISCAIS**

**Artigo 5º.-** Establécense os seguintes beneficios fiscais:

Os membros da familia numerosa xeral terán unha bonificación na matrícula e na cuota mensual dun 50%.



Luns, 4 de setembro de 2017

Núm. 169

Os membros de familia numerosa especial terán unha exención na matrícula e na cuota mensual do 100%.

**Artigo 6.—**Normas complementarias

No non previsto no presente texto regulador e na Ordenanza Fiscal Xeral do Concello e que faga referencia á aplicación, xestión, liquidación, inspección e recadación do prezo público, estarase ao disposto na lexislación de carácter local e xeral que lles sexa de aplicación; en especial o Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, a Lei 8/1989, de 13 de abril, de Taxas e Prezos Públicos.

**DISPOSICIÓN FINAL**

A presente Ordenanza terá efectos para o curso 2017/18 e seguintes e entrará en vigor o día de apertura do prazo para a matrícula do curso 2017/18, unha vez publicada no BOP de Pontevedra. Permanecerá en vigor ata tanto non se acorde a súa modificación ou derogación. Queda derogada a normativa anterior referida ao Prezo Público por ensinanzas na Escola de Música “Vila do Corpus” do Concello de Pontearreas.”

Como consecuencia queda derogada a Ordenanza Reguladora do Prezo Público pola prestación do servizo da Escola Municipal de Música “VILA DO CORPUS” do Concello de Pontearreas e todas as modificacións sobre a mesma anteriores a esta.

Pontearreas, documento asinado electrónicamente.

